

ՀԱՅԱՍՏԱՆԻ ՀԱՆՐԱՅԻՆ ՅԵՌՈՒՄՏԱԸՆԿԵՐՈՒԹՅՈՒՆ ՓԲԸ

հրավարանական անձի անվանումը

Երևան Նորթ, Գ. Հովսեփյան փող., 26 շենք, ի դեմս Հովհաննես Մովսիսյան, գործադիր տնօրեն

փաստացի գործունեության հասցեն

(հետագայում Պատվիրատու) և «Սփյուռ» ՍՊԸ-ն (Երևան, Կիևյան 19, 6-րդ հարկ), ի դեմս ներկայացուցիչ Էլլինա Սարգսյան (Լիազորագիր N° 285) (հետագայում Կատարող), կնքեցին սույն պայմանագիրը հետևյալի մասին.

1. Պայմանագրի առարկան

1.1 Սույն պայմանագրով Կատարողը Պատվիրատուին մատուցում է պայմանագրի Հավելված 1-ում ընտրված փաթեթին համապատասխան «Դեպի վեր» առաջխաղացման ծառայություն, իսկ Պատվիրատուն վճարում է այդ ծառայության դիմաց՝ ստանալով «Արտոնյալ բաժանորդ» կարգավիճակ:

2. Կողմերի պարտականությունները

2.1 Պատվիրատուն պարտավորվում է սույն պայմանագրի Հավելված 1-ում նշված «Դեպի վեր» փաթեթին համապատասխան տրամադրել Կատարողին իր կամ իր հետ փոխկապակցված կազմակերպության (հետագայում Կազմակերպություն) վերաբերյալ տեղեկություններ (հետագայում Տեղեկություններ)՝ որոնք ներկայացված են սույն պայմանագրի Հավելված 2-ում և Հավելված 2-ի լրացումներում:

2.2 Պատվիրատուն պատասխանատվություն է կրում Հավելված 2-ում և Հավելված 2-ի լրացումներում ներկայացված Տեղեկությունների հավաստիության և գործող օրենսդրությանը համապատասխան լինելու համար:

2.3 Կատարողը պարտավորվում է Տեղեկությունները ստանալուց հետո, ըստ իր կողմից մշակված խմբագրական նորմերի, մուտքագրել, խմբագրել, դասակարգել, թարգմանել (ներկայացնել 3 լեզվով՝ հայերեն, ռուսերեն, անգլերեն) և ներառել «Սփյուռ» տեղեկատվությունում սույն պայմանագրի կետ 2.4-ում նշված ժամկետներում, բացառությամբ «Սփյուռ» դասակարգչում բացակայող դասի առաջարկի, որի մշակման և ներառման համար կպահանջվի ևս երկու շաբաթ:

2.4 Կատարողը պարտավորվում է Տեղեկությունները ընդգրկել «Սփյուռ» տեղեկատվությունում հետևյալ ժամկետներում.

2.4.1 «Սփյուռ» հեռախոսային տեղեկատվություն (113, 011-331331, 010-519999)՝ 1 շաբաթվա ընթացքում: Կատարողը պարտավորվում է Կազմակերպության վերաբերյալ տեղեկությունները տրամադրել բոլոր այն զանգահարողներին, որոնց հարցումը վերաբերում է Կազմակերպության՝ որոնմանը մասնակցող Տեղեկություններին:

2.4.2 Spyr.am վեբ-կայքում՝ երկու շաբաթվա ընթացքում: Կատարողը պարտավորվում է «Սփյուռ» վեբ-կայքում Տեղեկությունները ներկայացնել համաձայն Հավելված 2-ում լրացված ծավալի՝ երեք վեբ-էջի տեսքով (հայերեն, ռուսերեն, անգլերեն)՝ անհատական կարծ վեբ-հասցեի տրամադրմամբ: Տեղեկությունները դառնում են հասանելի Spyr.am վեբ-կայքի բոլոր այցելուների, ինչպես նաև ինտերնետային որոնողական համակարգերի համար:

2.4.3 «Սփյուռ» բջջային տեղեկատվություն (Android-ի և iOS-ի համար)՝ երկու շաբաթվա ընթացքում: Կատարողը պարտավորվում է «Սփյուռ» բջջային տեղեկատվություն Կազմակերպության մասին տեղեկությունները ներկայացնել նշված տեղեկատվի համար նախատեսված տվյալների ծավալով:

2.4.4 Տեղեկատու «Սփյուռ-մեսենջերում»՝ 1 շաբաթվա ընթացքում: Կատարողը պարտավորվում է Կազմակերպության մասին տեղեկությունները «Սփյուռ-մեսենջերում» ներկայացնել նշված տեղեկատվի համար նախատեսված տվյալների ծավալով:

2.4.5 «Սփյուռ» համակարգչային տեղեկատվություն (Windows-ի համար)՝ հաջորդ թողարկման մեջ, եթե համակարգչային տեղեկատվի թողարկման գործընթացը սկսվել է Տեղեկությունները ստանալուց հետո 1 շաբաթից ոչ շուտ: Կատարողը պարտավորվում է «Սփյուռ» համակարգչային տեղեկատվության Կազմակերպության մասին տեղեկությունները ներկայացնել նշված տեղեկատվի համար նախատեսված տվյալների ծավալով: Կատարողը պարտավորվում է ապահովել համակարգչային տեղեկատվի անվճար բեռնման հնարավորությունը Spyr.am կայքից:

2.4.6 «Կոմպաս Հայաստանում» (միջազգային «Կոմպաս» համակարգի՝ Kompass.com-ի «Հայաստան» բաժնում)՝ 1.5 ամսվա ընթացքում: Կազմակերպության մասին տեղեկությունները «Կոմպաս Հայաստանում» ներկայացվում են անգլերեն և ռուսերեն լեզուներով նշված տեղեկատվի համար նախատեսված տվյալների ծավալով:

2.5 Կատարողը պարտավորվում է բոլոր վերը նշված տեղեկատվությունում որոնման արդյունքի ցանկում ապահովել Կազմակերպության բարձր դիրք՝ «Դեպի վեր» ծառայությունը չպատվիրած կազմակերպությունների նկատմամբ:

2.6 Եթե Պատվիրատուն չի խախտել սույն պայմանագրով և իր լրացումներով սահմանված վճարման ժամկետը, ապա «Սփյուռ» տեղեկատվությունում որոնման արդյունքում Կազմակերպության դիրքը որոշվում է հետևյալ կերպ.

2.6.1 «Սփյուռ» հեռախոսային տեղեկատվությունում որևէ ապրանքով/ծառայությամբ Կազմակերպությունը որոնելու դեպքում Կազմակերպության դիրքը ցանկում որոշվում է առաջին հերթին այդ ապրանքի/ծառայության դասով պատվիրված հորիզոնականով՝ «Սփյուռ-վարկանիշ TP»-ով (բարձր վարկանիշը ապահովում է բարձր դիրք): Եթե Կազմակերպությունը չունի տվյալ դասով հորիզոնականի պատվեր, ապա կազմակերպության դիրքը, տվյալ դասով որոնման դեպքում, ամեն օր փոփոխվում է մնացած «Արտոնյալ բաժանորդների» դիրքի հետ միասին՝ հավասարաչափության սկզբունքով:

2.6.2 Տեղեկատու «Սփյուռ-մեսենջերում» դիրքը որոշվում է կազմակերպության «Սփյուռ-վարկանիշով» (բարձր վարկանիշը ապահովում է բարձր դիրք): Դիրքը որոշվում է նաև պատվիրած հորիզոնականով, եթե հարցումը իրականացվել է «Սփյուռ» հեռախոսային տեղեկատվի միջոցով:

2.6.3 Spyr.am վեբ-կայքում, «Սփյուռ» բջջային տեղեկատվությունում, «Սփյուռ» համակարգչային տեղեկատվությունում դիրքը որոշվում է կազմակերպության «Սփյուռ-վարկանիշով» (բարձր վարկանիշը ապահովում է բարձր դիրք):

2.6.4 Եթե Պատվիրատուն խախտել է սույն պայմանագրով կամ իր լրացումներով սահմանված վճարման ժամկետը և զգուշացնելուց հետո 3 աշխատանքային օրվա ընթացքում չի կատարում սահմանված վճարումը, ապա Կազմակերպության «Սփյուռ-վարկանիշը» և պատվիրած հորիզոնականը նվազեցվում են չվճարած գումարի չափով մինչև վճարում կատարելը, սույն պայմանագրի և իր լրացումների գինը թողնելով նոյնը:

2.7 Եթե սույն պայմանագրի գործողության ընթացքում Պատվիրատուն ցանկանում է պատվիրել.

- 2.7.1 Տեղեկություններում փաթեթով չնախատեսված լրացուցիչ տվյալներ,
  - 2.7.2 Տեղեկություններում կազմակերպության անվանման փոփոխում,
  - 2.7.3 հորիզոնական կամ լրացուցիչ «Սփյուռ-վարկանիշ» որոշակի ժամկետի համար,
  - 2.7.4 փաթեթին կից այլ լրացուցիչ ծառայություններ,
- ապա Պատվիրատուի հետ կնքվում է «Պայմանագրի լրացում» համապատասխան հավելվածներով, որը համարվում է սույն պայմանագրի անբաժանելի մասը:
- 2.8 Տեղեկություններում անկա որևէ տվյալի փոփոխման (իրականությանը չհամապատասխանելու) դեպքում Պատվիրատուն պարտավոր է այդ մասին անմիջապես գրավոր տեղեկացնել Կատարողին:
  - 2.9 Պատվիրատուն պարտավորվում է անհրաժեշտության դեպքում (Կատարողի պահանջով) Կատարողին տրամադրել Տեղեկություններում անկա տվյալի ճշգրտությունը հաստատող փաստաթուղթ: Տասնօրյա ժամկետում պահանջվող փաստաթուղթը չտրամադրելու դեպքում Կատարողն իրավունք ունի միակողմանիորեն հանել այդ տվյալը Տեղեկություններից՝ այդ մասին տեղեկացնելով Պատվիրատուին:
  - 2.10 Կատարողը պարտավորվում է Տեղեկությունների փոփոխությունները մշակել և ընդգրկել իր տեղեկատուներում՝ սույն պայմանագրի 2.3 և 2.4 կետերում նշված ժամկետներում:
  - 2.11 Կատարողի կողմից Պատվիրատուին մատուցվող հավելյալ ծառայություններն ու բոնուսները ներկայացված են սույն պայմանագրի 3-րդ կետում:

**3. Կողմերի իրավունքները**

- 3.1 Պատվիրատուն իրավունք ունի վաղաժամկետ լուծել սույն պայմանագիրը, 1 ամիս առաջ գրավոր տեղեկացնելով այդ մասին Կատարողին՝ վճարելով Կատարողի կողմից փաստացի կատարված պարտավորությունների դիմաց:
- 3.2 Պատվիրատուի կողմից սույն պայմանագրի գումարը սահմանված ժամկետում չվճարելու դեպքում Կատարողն իրավունք ունի վաղաժամկետ լուծելու սույն պայմանագիրը, գրավոր տեղեկացնելով այդ մասին Պատվիրատուին, և պահանջելու վերջինից կատարել վճարում Կատարողի կողմից փաստացի կատարված պարտավորությունների մասով, ինչպես նաև պահանջելու վճարել տույժ՝ գումարի վճարման ուշացված յուրաքանչյուր օրվա համար՝ գումարի 0.1 տոկոսի չափով:
- 3.3 Կատարողն իրավունք ունի վաղաժամկետ լուծելու սույն պայմանագիրը, եթե պայմանագրի հետագա իրականացումը դարձել է ֆինանսապես ոչ ձեռնտու Կատարողի համար:
- 3.4 Պատվիրատուն իրավունք ունի Տեղեկություններում կատարել փոփոխություններ ինչպես Կատարողի կողմից անցկացվող Տեղեկությունների ճշգրտումների ժամանակ, այնպես էլ արտահերթ կարգով:
- 3.5 Կատարողն իրավունք ունի Տեղեկություններում ներկայացված կազմակերպությանը (կազմակերպության ղեկավարին) ուղարկել գործարար և հանրային նշանակության էլեկտրոնային նամակներ, sms- կամ ձայնային հաղորդագրություններ:
- 3.6 Կատարողն իրավունք ունի Տեղեկությունները տեղադրել նաև Կատարողին չպատկանող՝ հանրությանը հասանելի այլ տեղեկատվական միջոցներում:

**4. Պայմանագրի ժամկետը և գինը**

- 4.1 Սույն պայմանագիրը գործում է մեկ տարով՝ «01» նոյեմբեր 2020 թ.-ից մինչև « 31» հոկտեմբեր 2021 թ.:
- 4.2 Պայմանագրի գինը և նրա հաշվարկը ներկայացված են սույն պայմանագրի 3-րդ կետում:
- 4.3 Պատվիրատուն պարտավորվում է պայմանագիրը կնքելուց հետո երեք աշխատանքային օրվա ընթացքում վճարել պայմանագրի գումարը:

**5. Այլ դրույթներ**

- 5.1 Պատվիրատուն իրավունք ունի հետ պահանջել վճարված գումարն այն մասով, որով Կատարողն իր պարտավորությունները չի կատարել, բացառությամբ, երբ պարտավորության կատարումը դարձել է անհնարին Պատվիրատուի մեղքով:
- 5.2 Կողմերի կամքից և գործողությունից անկախ ծագած պայմանագրի կատարման անհնարինության դեպքում Պատվիրատուն Կատարողին վճարում է փաստացի կատարված պարտավորությունների դիմաց:
- 5.3 Եթե սույն պայմանագրի ժամկետի ավարտից հետո 15 օրվա ընթացքում որևէ կողմը միևս կողմին գրավոր չի հայտնում մատուցվող ծառայությունների դադարեցման մասին, ապա պայմանագիրը երկարաժամկետ է և սույն պայմաններով անորոշ ժամկետով, և Պատվիրատուն պարտավորվում է վճարել մատուցված ծառայությունների դիմաց:
- 5.4 Եթե Կատարողը սպառողներից գրավոր ստանում է հիմնավորված դժգոհություններ Պատվիրատուի Տեղեկություններում ներկայացված ապրանքների, ծառայությունների կամ սպասարկման որակի վերաբերյալ, իսկ Պատվիրատուն գրավոր չի ժխտում դժգոհություններում ներկայացված փաստերը, ապա Կատարողը կարող է որոշակի ժամկետով (մինչև թերությունների վերացումը) իջեցնել Կազմակերպության «Սփյուռ-վարկանիշ», հորիզոնականը՝ սույն պայմանագրի և իր լրացումների գինը թողնելով նույնը:
- 5.5 Սույն պայմանագրի բոլոր լրացումներն ու հավելվածները սույն պայմանագրի անբաժանելի մասերն են:
- 5.6 Սույն պայմանագրում ցանկացած փոփոխություն և լրացում վավեր են այն պայմանով, եթե դրանք կատարված են գրավոր և ստորագրված են՝ կողմերի լիազոր ներկայացուցիչների կողմից:
- 5.7 Սույն պայմանագիրը չեղարկում և փոխարինում է կողմերի միջև նույն առարկայի վերաբերյալ բանավոր և գրավոր բոլոր նախորդ բանակցությունները, պայմանավորվածությունները և պայմանագրերը:
- 5.8 Սույն պայմանագրով չկարգավորվող իրավահարաբերությունները կարգավորվում են ՀՀ օրենսդրությամբ:
- 5.9 Սույն պայմանագիրը կազմված է երկու օրինակից (ներառյալ հավելվածները), յուրաքանչյուր կողմին տրվում է մեկական օրինակ:

**6. Լրացուցիչ պայմաններ**

<p><b>Պատվիրատու</b></p> <p>Վ.Տ. 3433 01540062</p> <p><b>Հովհաննես Սուվիսյան</b></p> <p>մտու, ազգանուն</p> <p><b>գործադիր տնօրեն</b></p> <p>պաշտոն</p> <p>Ստորագրված է</p>	<p><b>Կատարող</b></p> <p>01801068</p> <p><b>Էլլինա Սարգսյան</b></p> <p>մտու, ազգանուն</p> <p><b>Ներկայացուցիչ</b></p> <p>պաշտոն</p>
--	---

